



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus I. De Vita & Honestate Clericorum.

[urn:nbn:de:hbz:466:1-63440](#)

Decretalium Gregorii PAPÆ IX.

LIBER III.

I. Sicut Liber I. Ecclesiasticos Judices constituit, & Liber II. Judicia seu Processum Judiciarium adornat, ita tres Libri sequentes suppeditant res & causas in Judiciis tractandas, & quidem Liber III. ac IV. *Civiles*, Liber V. verò *Criminales*. Itaque præsens Liber III. agit initio de vita, functionibus, juribus, & rebus Clericorum *Sæcularium*; tum de variis contrariaibus, ultimisque voluntatibus, quæ etiam Laicis sunt communes materiæ, ac in Præ frequentissimæ; postea de statu, locis, juribus, & obligationibus Clericorum *Regularium*, seu Religiosorum: denum de Sacramentis, Sacrificio Missæ, aliisquæ rebus spiritualibus, atque de ipsius Ecclesiis & locis sacris.

TITULUS I. *De Vita & Honestate Clericorum.*

SUMMARIUM.

1. *Ingressus.*
2. *Quinam Clerici; & quæ eorum vitæ honestas.*
3. *A quibus abstinere debeant Clerici.*
4. *In quo consistat decentia habitus Clericalis.*

5. *Qui-*

f. Quinam obligentur ad habitum & tonsuram
Clericalem.

Per Clericos intelliguntur personæ ad DEI servitium in Ecclesia Christi debitè ac specialiter deputatæ. Si deputentur per collationem Ordinis Ecclesiastici, etiam primæ tantum Tonsuræ, sunt Clerici propiè dicti: si tantum per certa vota, aut Professionem Religiosam, sicut Religiosi nullum habentes Ordinem, uti fratres Laici seu *conversi*, & Moniales quoque, sunt impropriè dicti: in favorabilibus tamen veniunt & nisi nomine Clericorum, non in odiosis; sicut in his nec Episcopi aut in Dignitate Ecclesiastica constituti, immo nec Canonici veniunt nomine Clericorum: quia *odia restringi*, *favores ampliari* convenit. c. 15. de R. J. in 6. Interim tamen in hoc & similibus Titulis, ubi agitur de vita ac honestate Clericorum, comprehenduntur vel maximè Prælati, & in Dignitate Ecclesiastica constituti, atque Sacerdotes, immo & Religiosi utriusque sexus. Considerari autem potest duplex illorum *vita honestas*, nimirum *interna*, quæ consistit in puritate conscientie, recta intentione, & variarum virtutum exercitio interno, de quibus Ascetæ; & *externa*, quæ tria requirit 1. *abstinentiam* non modò à peccatis in actum externum prodeuantibus, à quibus & Laici abhorrire debent, sed etiam à quibusdam actibus alias licitis. 2. *integritatem ritæ*, quæ maximè elucere debet in studio castitatis, sobrietate, mansuetudine, & sedula sacri officii administratione. 3. *decentiam habitus*, & vestitus Clericalis juxta SS. Canonum & Episcoporum ordinationes: quod etiam

etiam refertur Tonsura Clericalis in vertice, seu corona abrasis per nodum circuli capillis juxta modernum Ecclesiæ morem. Et de hac extenua Clericalis vitæ honestate Concilium Trid. s. 22. 1. de Ref. sic ordinat: quapropter sic decet omnino Clericos, in sortem Domini vocatos, vitam résque suos omnes componere ut habitu, gestu, cesso, sermone, aliisque omnibus rebus nil, nisi grave, moderatum, ac Religione plenum præseveravia etiam delicta, quæ in ipsis maxima essent, fugiant, ut eorum actiones cunctis afferant rationem.

3 Dico 1. Clerici abstinere specialiter jubent 1. à negotiis sæcularibus, quæ vel multum impediunt à functionibus Ecclesiasticis, uti negotia c. 3. & fin. h.t. vel avaritiæ speciem habent, n. cambium, confectio auri chimici, c. 10. eod. h. trav. un. de crim. fals. int. Comm. vel ob vilium suam statum Clericalem reddunt contemptum, uti officium mimi, joculatoris, histrionis, carnicis, lanionis, tabernarii &c. c. un. in 6. & Clm. 1. h.t. imò juxta c. 12. & 15. eod. nec licet ipsi auscultare histrionibus, aut larvis vultum teget &c. 2. ab omni actu, ex quo oriri posset suppicio Veneris aut incontinentiæ. c. 13. eod. i. lusu alearum, & alio, in quo merè fortuna, nulla industria vel ars intervenit, item à choris. c. 15. cit. Trid. loc. cit. præsertim si id fiat publice, & frequenter, ac lucri studiō. 4. à crapula & ebrietate, provocatione ad æquales potus, imò & tabernarum & hospitiorum frequentatione. c. 14. seq. h.t. Qui in his deliquerint, puniantur ab Episcopo vel arbitrariè. Trid. loc. cit. vel pénis p. sum

sim in h. t. statutis. Si verò negotiatores, aut officium mimi &c. exercentes ter moniti se non emendaveriat, privilegiō Fori ipso Jure excludunt. c. fin.

& Clem. 1. h. t.

Dico 2. Ad decentiam habitūs Clericalis requiritur 1. vestis congruens consuetudini loci, & SS. Canonum ac Episcoporum præscripto, nimirum nigri coloris apud non Canonicos Cathedrales, & in Dignitate Ecclesiastica non constitutos, non virgata vel partita aut variegata, h. e. diversos habens colores, aut ad luxum composita, non tamen debet esse sordida aut lacera, nec nimis longa vel brevis. c. 15. cit. talarem seu usque ad talos protensam voluit Sixt. V. in Const. Cum sacrosancta. 2. Corona in capite, apud Sacerdotes hostiam maiorem magnitudine ferè adæquans, apud inferiores minor juxta usum Regionum. can. 7. caus. 12. q. 1. Econtra 3. non licet Clericis gestare arma militaria extra casum justæ defensionis. c. 2. h. t. Clem. 2. eod. Clem. 1. de Stat. Mon. sicut 4. usurpare frœnum, calcaria, sellam deauratam c. 15. cit. item annulum, nisi competit ratione Dignitatis aut Doctoratus, vel nisi consuetudo aliud obtineat. 5. nutritre barbam, vel relaxare comam. c. 4. 5. 7. h. t. licet relaxatio comæ hodie, ubi corona non amplius formatur ritu antiquo, quem modò retinent Franciscani & Dominicanii, non videatur amplius procedere. Turpe tamen est cripare comam instar mulierum, aut cyprio conspergere pulvere. Berucca, seu coma fictitia, si non gestetur ex vanitate, tolerari potest vi consuetudinis, saltem extra Sacrificium, quo durante gestari prohibuit Innoc. XII. & extra illud quoque nuper

per Benedictus XIII. quæ tamen ultima prohibitiō
in nostris partibus ad usum non pervenit. Pars
in hos delinquentes videre est in *citt.* Juribus, qui
bus tamen derogatum esse videtur consuetudine.

Dico 3. Habitum & Tonsuram in publico ges-
tre tenentur, nisi justa causa excusat, Clerici omnes
in Majoribus (in Minoribus verò Ordinibus infra
Subdiaconatum constituti, si habeant Beneficium
Ecclesiasticum) sub pena suspensionis, & si se-
mel correpti denuo in hoc deliquerint, privatio-
nis officiorum & beneficiorum per sententiam in-
fligendæ. 2. Minoristæ non habentes beneficium,
licet non teneantur, si tamen non gestent habitum,
privati existunt privilegiō *Fori*. 3. Probabiliter ta-
men privilegium *Canonis*, vi cuius citra excommu-
nicationem percuti injuriosè nequeunt, non amitt-
tunt seclusa consuetudine contraria, qualis apud
nos vigere videtur. Pars 1. constat ex *citt. c. 15.*
& *Clem. 2.* atque ex *Trid. s. 14. c. 6. de ref.* Pars 2.
ex *Trid. s. 23. c. 6. de ref.* & *Clem. 1. b. t.* per privi-
legium *Fori* intelligitur exemptio à foro & juris-
dictione Laicorum. Pars 3. quam tenent multi
cum Nav. Molina &c. apud P. Schmalzgrueber *b. t.*
n. 39. allegantes declarationem Cardd. contra
Suar. Laym. Engel. probatur partim, quia Trid. ex-
primit solum privilegium *Fori*, consequenter non
extendendum ad privilegium *Canonis*, in *can. suis*
suadente. cauf. 17. q. 4. omnibus Clericis illimitatè
concessum, ne admittenda sit correctio Juris, ut
pote odiosa; partim quia per injuriosam Cleri-
corum percussionem major irrogatur irreveren-
tia Statui Clericali, quam si trahantur ad Judicem
Sæcularem.

TITU-